

Republika e Kosovës

Kuvendi i Komunës-Vushtrri

Bazuar në nenin 12, paragrafi 2, pika "d" të Ligjit Nr.03/L-040 për Vetëqeverisjen Lokale, nenin 17 të Ligjit për Dhënie në Shfrytëzim dhe Këmbimin e Pronës së Paluajtshme të Komunës Nr. 06/L-092, Rregullores nr. 09/2020 për Përcaktimin e Procedurave të Dhënies në Shfrytëzim dhe Këmbimin e Pronës së Paluajtshme të Komunës, nenin 19, paragrafi 1, nënparagrafi 1.4 i Statutit të Komunës dhe vendimin paraprak për dhënie në shfrytëzim afatshkurtër të pronës së paluajtshme 01 nr. 359/19 të datës 26.12.2019, Kuvendi i Komunës së Vushtrrisë në mbledhjen e mbajtur më datë **27 tetor 2022** merr këtë:

V E N D I M

për formim të komisionit vlerësues të dhënies në shfrytëzim afatshkurtër të pronës së paluajtshme të komunës

1. Me këtë vendim formohet Komisioni vlerësues për zbatim të procedurave të dhënies në shfrytëzim afatshkurtër të pronës së paluajtshme të komunës, për ofrim të shërbimeve të transportit të mjeteve motorike me automerimangë në territorin e komunës.

2. Në përbërje të komisionit vlerësues caktohen:

- 2.1. Arlind Gogolli, anëtar i Kuvendit (PDK);**
- 2.2. Refik Maloku, anëtar i Kuvendit (LVV);**
- 2.3. Benjamin Shala, ekzekutivi i komunës (DSHP);**
- 2.4. Bajram Beqiri, ekzekutivi i komunës (përfaqësues nga DMSH);**
- 2.5. Isak Hyseni, shoqëria civile në nivel komunal.**

3. Anëtarët e komisionit vlerësues në takimin e parë, me shumicë votash, zgjedhin kryesuesin i cili e kryeson komisionin.

4. Komisioni vlerësues ka mandat për shqyrtim të ofertave për shërbimin e transportit me automerimangë, në pronën e përfshirë në vendimin paraprak të Kuvendit të komunës.

5. Detyrat dhe përgjegjësitë e komisionit:

5.1 Komisioni vlerësues zbaton procedurat e ankandit publik për shërbimet e transportit me automerimangë në pronën e paluajtshme të komunës, e cila është dhënë në shfrytëzim, që nënkupton:

5.2. Njoftimin publik i cili zgjat 15 ditë kalendarike nga dita e publikimit;

5.3. Njoftimi publik publikohet në faqen zyrtare të komunës, në tabelën e shpalljeve të komunës dhe së paku në njërën nga mediat e shkruara dhe elektronike;

5.4. Njoftimi duhet të përmbajë të dhënat kadastrale të pronës, lokacionin, përshkrimin e shërbimit me automerimangë, kohëzgjatjen e shfrytëzimit, formën e konkurrencës, arsyeshmërinë e interesit publik, çmimin fillestar, kërkesat për pjesëmarrje në konkurrim, kohën dhe vendin ku mbahet ankandi dhe hapja e ofertave;

5.5. Pas pranimit të ofertave, Komisioni vlerësues bën vlerësimin e tyre në përputhje me kushtet e përcaktuara në njoftimin publik;

5.6. Komisioni vlerësues përzgjedh përfituesin brenda afatit prej 7 ditësh nga dita e mbylljes së njoftimit publik në rastet e vlerësimit të ofertave për dhënie në shfrytëzim afatshkurtër të shërbimeve të transportit me automerimangë;

5.7. Njoftimin për përzgjedhjen e ofertave komisioni e publikon në faqen zyrtare të komunës, si dhe të njëjtin iu dërgon palëve të përfshira në proces.

5.8. Komisioni vlerësues pas përfundimit të afatit për shqyrtimin e ankesave për dhënie në shfrytëzim të shërbimeve të transportit me automerimangë, ofertën e përzgjedhur e procedon tek Kryetari i komunës për nënshkrim të kontratës me përfituesin.

5.9. Vendimet në komisionin vlerësues merren me shumicë të votave të anëtarëve të komisionit.


5.10. Komisioni, për punën e tij mban procesverbal të cilin e nënshkruan procesmbajtësi dhe kryesuesi i komisionit.

5. Për zbatimin e këtij vendimi obligohen anëtarët e komisionit vlerësues.

6. Ky vendim hyn në fuqi shtatë (7) ditë pas publikimit në faqen zyrtare të Komunës së Vushtrisë.

The stamp is circular and contains the text "REPUBLIKA E SHqipëRIE" at the top, "KOMUNALiteti" in the center, and "DEPARTAMENTI I KESHORIT" at the bottom. In the center of the stamp is a shield with a sun and a star.
Melihate Basholli-Latifi

Kryesuese e Kuvendit



Republika e Kosovës

Kuvendi i Komunës-Vushtrri

Në bazë të nenit 12.2, pika "d" të Ligjit për Vetëqeverisjen Lokale nr.03/L-40, nenit 2 dhe nenit 8 të Ligjit Nr. 03/L-049 për Financat e Pushtetit Lokal, nenit 19, paragrafi 1, nënparagrafi 1.4. të Statutit të Komunës së Vushtrrisë 01. Nr. 209/2022, Kuvendi i Komunës së Vushtrrisë në mbledhjen e mbajtur më **27 tetor 2022** merr këtë:

V E N D I M

për lirim nga taksa komunale për projektet investive të KEDS-it gjatë vitit 2022

1. Me këtë vendim lirohet nga taksa komunale për prerje të asfaltit dhe demolim të kubëzave Divizioni i Shpërndarjes KEDS, i cili është duke i implementuar projektet me plan investiv 2021 në Komunën e Vushtrrisë si në vijim:

1.1. Projekti "TS Idrizi" fshati Dobërllukë, ndërtimi i rrjetit TM10 (20)kv dhe TU0.4Kv;

1.2. Projekti Dobërllukë (Banjska), zgjerim dhe përforcim i rrjetit distributiv;

1.3. Projekti, Stanoci 1 "Prekazët", fshati Stanoc i Poshtëm, Komuna e Vushtrrisë zgjerim dhe përforcim i rrjetit distributiv;

1.4. Projekti Bregaj - Stanoc, fshati Stanoc i Epërm, Komuna e Vushtrrisë, zgjerim dhe përforcim i rrjetit distributiv.

2. Këto projekte kanë për qëllim riparimin e rrjetit elektrik dhe përmirësimin e cilësisë së furnizimit me energji elektrike në komunën tonë.

3. Për zbatimin e këtij vendimi obligohen Drejtoria për Shërbime Publike dhe Drejtoria për Inspektime.

4. Ky vendim hyn në fuqi shtatë (7) ditë pas publikimit në faqen zyrtare të Komunës së Vushtrrisë.

Melihate Basholli-Latifi



Kryesuese e Kuvendit



Republika e Kosovës

Kuvendi i Komunës-Vushtrri

Në bazë të nenit 12.2, pika "d" të Ligjit për Vetëqeverisjen Lokale Nr.03/L-40, nenit 19 paragrafi 1, nënparagrafi 1.4. të Statutit të Komunës së Vushtrrisë 01. Nr. 209/2022, si dhe nenit 10 të Rregullores (KKV) Nr.02/2022, numri i protokollit 156/22 për Organizimin, Funksonimin dhe Bashkëpunimin e Komunës me Fshatrat, Vendbanimet dhe Lagjet Urbane Kuvendi i Komunës së Vushtrrisë në mbledhjen e mbajtur më **27 tetor 2022** merr këtë:

VENDIM

për formimin e komisionit të ankesave lidhur me procesin e zgjedhjes së këshillave lokale

1. Me këtë vendim formohet komisioni për shqyrtimin e ankesave lidhur me procesin e zgjedhjes së Këshillave Lokale në Komunën e Vushtrrisë, në përbërjen si në vijim:

1.1.Kushtrim Hyseni, anëtar i Kuvendit (PDK);

1.2.Edona Gashi, anëtare e Kuvendit (LDK);

1.3.Fatmire Cecelia, anëtare e Kuvendit (LVV).

2. Komisioni i ankesave i cekur në pikën 1 të këtij vendimi, është i obliguar që t'i shqyrtojë të gjitha ankesat dhe brenda afatit të përcaktuar ligjor duhet të kthejë përgjigje me shkrim atyre që kanë adresuar ankesën, lidhur me parregullsitë eventuale që janë shkaktuar gjatë procesit të zgjedhjes së këshillave lokale në Komunën e Vushtrrisë.

3. Vendimet e komisionit të ankesave janë përfundimtare në procedurën administrative dhe të obligueshme për palët.

4. Për punën e tij komisioni i raporton Kuvendit të komunës, ndërsa për funksionimin e tij komisioni zgjedh kryesuesin e tij nga radhët e veta.

5. Për zbatimin e këtij vendimi obligohen anëtarët e komisionit të cekur në pikën një (1) të këtij vendimi.

6. Ky vendim hyn në fuqi shtatë (7) ditë pas publikimit në faqen zyrtare të Komunës së Vushtrrisë.

Melihate Basholli-Latifi

Kryesuese e Kuvendit





REPUBLIKA E KOSOVËS - REPUBLIKAKOSOVA
KOMUNA E VUSHTRISË-OPŠTINA VUČIPI

Bl. No. / Br. _____ 267/22

Nr. Llog. / Br. sh. _____ -1-

Data: / Datum _____ 27. 10. 2022

_____ D. G. L. N. N.



Republika e Kosovës

Kuvendi i Komunës-Vushtrri

Në bazë të nenit 12.2, pika "d" në lidhje me nenin 51.2 të Ligjit për Vetëqeverisjen Lokale Nr.03/L-40, nenit 19, paragrafi 1, nënparagrafi 1.4 të Statutit të Komunës së Vushtrrisë 01. Nr. 209/2022, Kuvendi i Komunës së Vushtrrisë në mbledhjen e mbajtur më 27 tetor 2022 merr këtë:

VENDIM

për formimin e komisionit për hartimin e rregullores për komitetet e kuvendit

1. Me këtë vendim formohet komisioni për hartimin e Rregullores për funksionimin e komiteteve dhe komisioneve të Kuvendit të Komunës së Vushtrrisë në përbërjen si në vijim:

- 1.1. Ilmi Azemi, anëtar i Kuvendit (PDK);
- 1.2. Shkelzen Xhaferi, anëtar i kuvendit (LDK);
- 1.3. Sylejman Mehulli, anëtar i kuvendit (LVV);
- 1.4. Ismet Gashi, nga zyra ligjore e komunës dhe
- 1.5. Bastri Duraku, nga sekretaria e kuvendit.

2. Komisioni i cekur në pikën një (1) të këtij vendimi, do të hartojë draftin e kësaj rregulloreje dhe të njëjtën do ta procedojë në kuvend për aprovim.

3. Për zbatimin e këtij vendimi obligohen anëtarët e komisionit të cekur në pikën një (1) të këtij vendimi.

4. Ky vendim hyn në fuqi shtatë (7) ditë pas publikimit në faqen zyrtare të Komunës së Vushtrrisë.

Melihate Basholli-Latifi


Kryesuese e Kuvendit

